

ESTATUTOS DE SOM ENERGIA, SCCL

Rexistrados en maio de 2014

CAPÍTULO I.- DENOMINACIÓN, OBXECTO, DURACIÓN E ENDEREZO

Artigo 1.- Denominación social

Coa denominación de Som Energia, SCCL constitúese unha Sociedade Cooperativa de Consumidores e Usuarios, sen ánimo de lucro, suxeita aos principios e disposicións da Lei 18/2002, de Cooperativas de Cataluña, con plena personalidade xurídica e con responsabilidade limitada dos seus socios polas obrigas sociais.

Artigo 2.- Obxecto

O obxecto desta Sociedade Cooperativa é a comercialización, distribución e produción de enerxía eléctrica e calorífica provinte de fontes renovables, así como a prestación de servizos e distribución de produtos relacionados. A cooperativa poderá desenvolver o seu obxecto social de maneira directa ou indirecta, incluso mediante a participación noutras sociedades.

A cooperativa desenvolverá a súa actividade cooperativizada con terceiras persoas non socias, sen máis límites que os que lle impoña a Lei 18/2002, de Cooperativas de Cataluña.

Artigo 3.- Duración

A sociedade constitúese por tempo indefinido e as súas actividades empezarán o día 1 de xaneiro de 2011.

Artigo 4.- Enderezo social e ámbito de actuación

O enderezo social establececese na rúa Pic de Peguera, 11 (Porta A2, Despacho 0.8), 17003 Girona e pódese trasladar a outro lugar dentro do mesmo termo municipal, por acordo do Consello Reitor; o cambio de enderezo a outra poboación esixe un acordo da Asemblea Xeral que modifique este artigo.

A cooperativa desenvolve principalmente a súa actividade cooperativizada en Cataluña.

CAPITULO II.- DOS socias

Artigo 5.- Persoas que poden ser socias

Poden ser socias desta cooperativa todas as persoas físicas e xurídicas que, compartindo os obxectivos establecidos no artigo 2 destes estatutos, desexen obter nas mellores condicións de

calidade, oportunidade, información e prezos, bens para o consumo e uso propio e dos seus familiares.

Tamén poden ser socias colaboradoras da cooperativa aquelas persoas físicas ou xurídicas que, sen desenvolver a actividade cooperativizada principal, poidan colaborar na consecución do obxecto social da cooperativa. Establécense dous tipos de persoas socias colaboradoras, a socia colaboradora privada e a socia colaboradora pública.

Artigo 6.- Procedemento de admisión

1.- Para a admisión dunha persoa como socia téñense que cumprir os seguintes requirimentos:

- a) O sinalado no artigo 5e. destes estatutos.
- b) Ter capacidade de obrar de acordo co que di o Código Civil.
- c) Se a incorporación á cooperativa é dunha persoa que solicita ser socia de traballo pode fixarse un período de proba, que pode ter unha duración máxima dun ano. Durante este período, calquera das partes pode resolver libremente a relación.
- d) Subscribir a achega obrigatoria mínima no capital social e realizarse de maneira íntegra no momento da subscrición.

2.- A persoa interesada ten que presentar ao Consello Reitor a súa solicitude de ingreso por escrito persoalmente, polo enderezo postal ou por enderezo electrónico.

3.- A decisión sobre a admisión de novas persoas socias corresponde ao Consello Reitor, o cal o ten que comunicar por escrito á solicitante nun prazo de dous meses, a contar dende o momento que tivo coñecemento da petición. Á carencia de resposta enténdese que a solicitude é denegada. Se o acordo fora denegatorio, ten que ser motivado e fundamentado na Lei ou nestes estatutos, con criterios obxectivos. Esta denegación pode ser impugnada pola aspirante no prazo dun mes, contado dende a notificación do acordo, ante o Comité de Recursos e, se non hai, ante a Asemblea Xeral.

No caso de acceder á admisión, o acordo da Asemblea Xeral, tense que expoñer no enderezo social, pode ser tamén recorrido por outros socios, de acordo coa Lei 18/2002, de Cooperativas de Cataluña.

Artigo 7.- Acceso das persoas traballadoras á condición de socias

As persoas traballadoras con contrato por tempo indefinido poden optar para adquirir a condición de socia de traballo, de acordo co que establece o artigo 27 da Lei 18/2002, de Cooperativas de Cataluña.

As socias de traballo aplícanse as normas establecidas na Lei 18/2002, de Cooperativas de Cataluña, para as socias traballadoras das cooperativas de traballo asociado.

Artigo 8.- Obrigas das persoas socias

1.- As socias están obrigadas a:

- a) Facer o desembolso da achega comprometida.

- b) Asistir ás Asembleas Xerais e reunións do resto de órganos polos que sexan convocadas.
- c) Aceptar os cargos sociais salvo causa xustificada.
- d) Cumprir os acordos validamente adoptados polos órganos de goberno.
- e) Non adicarse a actividades de competencia cos fins sociais da cooperativa nin colaborar con quen as realice, salvo que sexan expresamente autorizados polo Consello Reitor.
- f) Gardar segredo sobre aqueles asuntos ou datos da cooperativa, a divulgación dos cales poda prexudicar aos intereses sociais.
- g) Cumprir aqueles outros deberes que resulten das normas legais e estatutarias, así como os acordos validamente adoptados polos órganos de goberno.
- h) Participar nas actividades que constitúen o obxecto da cooperativa e levar a cabo a actividade cooperativizadora.
- i) Participar nas actividades de formación e intercooperación.

Artigo 9.- Dereitos das persoas socias

As socias teñen dereito a:

- a) Adquirir os artigos ou beneficiarse dos servizos que a cooperativa prove, conforme o seu obxecto social.
- b) Escoller e ser escollidas para os cargos dos órganos da sociedade.
- c) Participar, con voz e voto, na adopción de acordos na Asemblea Xeral e o resto de órganos dos cales formen parte.
- d) Recibir información de acordo co que establece o artigo 24 e 25 da Lei 18/2002, de Cooperativas de Cataluña.
- e) Recuperar o importe das súas achegas ao capital, actualizadas se procede, en caso de baixa ou de disolución ou transformación da entidade, que non se ten que ver afectadas por unha suspensión temporal dos dereitos debido a un expediente sancionador, sen prexuízo do disposto no artigo 14 con relación ás achegas cuxo reembolso poda ser recusado incondicionalmente polo Consello Reitor.
- f) Todo aquilo que resulte das normas legais e estatutarias, así como dos acordos validamente adoptados polos órganos da cooperativa.

Artigo 10.- Dereito de información

Para exercer o dereito de información, as persoas socias dispoñen dos medios que se establecen nos artigos 24 e 25 da Lei 18/2002, do 5 de xullo, de Cooperativas de Cataluña, que prevé, entre outros, recibir copia destes Estatutos, do Regulamento de Réxime Interno, se hai, e estar informado das modificacións que se fagan e dos acordos dos órganos de goberno que os afecten persoalmente; consultar o estado da súa situación económica; examinar o libro de rexistro de socias e o libro de actas da Asemblea Xeral e solicitar certificados e, dende o día da convocatoria da Asemblea Xeral Ordinaria, a examinar, no domicilio social, o balance, a conta de perdas e ganancias e a memoria explicativa, a proposta de aplicación de resultados, o

informe de intervención e se se tercia, das auditorías, así como recibir unha copia destes documentos ou a ampliación da información que consideren necesaria, sempre que o soliciten por escrito, polo menos cinco días antes da Asemblea.

Artigo 11.- A responsabilidade patrimonial das persoas socias

A responsabilidade da persoa socia polas obrigas sociais é limitada ás achegas ao capital subscritas, tanto se son desembolsadas, como se non, e teñen o carácter de mancomunada simple.

A persoa socia que se dea de baixa continúa sendo responsable durante cinco anos ante a cooperativa, coa limitación mencionada no parágrafo anterior, polas obrigas asumidas por esta con anterioridade a data da baixa.

Artigo 12.- Baixa da persoa socia

Calquera socia pode darse de baixa voluntariamente da cooperativa, avisando por escrito ao Consello Reitor con 1 mes de antelación. O incumprimento do preaviso considerarase como baixa non xustificada.

Establécese un mínimo de permanencia na cooperativa de 2 meses; caso de non cumprirse, a baixa da socia considerarase como baixa non xustificada, sen prexuízo das responsabilidades que correspondan.

Artigo 13.- Baixa xustificada e non xustificada

1.- A baixa considérase tamén xustificada:

- a) Se a persoa socia cambia de domicilio a outra poboación afastada dos centros de subministro da Cooperativa
- b) A desconformidade co acordo da Asemblea Xeral que decidira a fusión da Cooperativa, sempre que a socia votara en contra na Asemblea, ou non asistira por causa xustificada; neste último caso ten que comunicar a súa desconformidade por escrito dirixida á Presidencia do Consello Reitor no prazo máximo do mes seguinte a data de publicación dos acordos de fusión.
- c) A desconformidade co acordo da Asemblea Xeral de transformación da Cooperativa, sempre que se comunique por escrito o Consello Reitor, dentro do prazo do mes seguinte á adopción do acordo.
- d) A desconformidade co acordo da Asemblea Xeral de incrementar as achegas obrigatorias de cada persoa socia ao capital social, sempre que a socia votase en contra e fixera constar expresamente na acta a súa oposición, e as socias que por causa xustificada non asistiran á Asemblea Xeral, sempre que soliciten a baixa no prazo dun mes dende o acordo. Nestes casos non lles serán esixibles as novas achegas aprobadas.
- e) A baixa das socias desconformes co acordo de transformación das achegas con dereito a reembolso en caso de baixa en achegas cuxo reembolso poida ser recusado incondicionalmente polo Consello Reitor, ou a transformación inversa. Estas persoas socias desconformes deberían ter votado en contra, facendo constar expresamente

na acta a súa oposición. Tamén considerarase como xustificada a baixa das socias que non asistindo, por causa xustificada, á Asemblea Xeral pidan a baixa por escrito dirixida ao Consello Reitor, no prazo dun mes despois do acordo de transformación mencionado.

2.- As decisións do Consello Reitor sobre a cualificación e efectos da baixa voluntaria da socia poderán ser impugnadas por esta ante a Asemblea Xeral, dentro do prazo do mes seguinte a súa notificación. O recurso tense que resolver en votación secreta dentro do prazo máximo de tres meses, e a decisión da Asemblea, que o terá que notificar á persoa interesada, pódese impugnar á xurisdición competente.

Artigo 14.- Consecuencias económicas da baixa. Dereito de reembolso.

1. O producirse a baixa dunha socia, esta ten dereito ao reembolso das súas achegas, voluntarias e obrigatorias, ao capital social, sen prexuízo de que esta Lei e os estatutos sociais establezan para as achegas cuxo reembolso poda ser recusado incondicionalmente polo Consello Reitor.

2. O procedemento para exercer o dereito ao reembolso das achegas sociais, en caso de baixa da socia, tense que adecuar **ASO** seguintes criterios:

a) No prazo dun mes dende a aprobación das contas anuais do exercicio no cal cause baixa a socia, tense que proceder a fixar o importe definitivo de reembolso das súas achegas ao capital social, en base ao exercicio económico en que se produza a baixa e da imputación de resultados que lle sexa atribuíble a persoa socia.

O Consello Reitor pode fixar este importe provisionalmente antes da aprobación das contas e, se convén, autorizará un reembolso por anticipado do definitivo.

b) Do importe definitivo do reembolso resultante, de acordo co parágrafo anterior, faranse as seguintes deducións, cando conveñan:

* Todas aquelas cantidades que o socio ou socia deba á Cooperativa, por calquera concepto.

* As procedentes por baixa non xustificada ou expulsión.

* As responsabilidades que lle podan ser imputadas e cuantificadas, sen prexuízo da responsabilidade patrimonial en virtude do artigo 26.2 da Lei 18/2002, de Cooperativas de Cataluña.

3. Ademais do previsto nos parágrafos precedentes, pódense facer as seguintes deducións:

a) Se a baixa é xustificada non se fai ningunha dedución.

b) Non pode haber deducións sobre as achegas voluntarias.

4. O pago das achegas sociais tense que efectuar pola Cooperativa no prazo pactado de mutuo acordo co socio/a, e se non, no prazo que sinale o Consello Reitor, que non pode ser superior aos cinco anos contados dende a data da baixa. Durante este tempo, a socia que causa baixa ten dereito a percibir o interese legal do diñeiro, incrementado en dous puntos, pola cantidade pendente de reembolso.

Artigo 15.- Faltas das persoas socias

As faltas cometidas polas persoas socias, atendida a súa importancia, trascendencia e intencionalidade, clasificaranse en leves, graves e moi graves.

Artigo 16.- Faltas leves

Son faltas leves:

1. A falta de consideración ao respecto con outra socia ou socias sen motivo e que isto fora considerado polo Consello Reitor.
2. A carencia de comunicación do novo domicilio á cooperativa dentro do mes seguinte a cambiálo.
3. Incumprir os acordos ou instrucións dadas validamente polos órganos competentes.
4. Calquera outra que dispoña o Regulamento de Réxime Interno ou a Asemblea Xeral.

Artigo 17.- Faltas graves

Son faltas graves:

1. Non aceptar, ou dimitir, salvo que teña unha causa xustificada a xuízo do Consello Reitor ou da Asemblea Xeral, se convén, dos cargos ou funcións para os que fora escollido a persoa socia.
 2. A violación de segredos da cooperativa susceptibles de producir un prexuízo.
 3. O incumprimento das obrigas económicas, relativas ao pago de cotas periódicas ou as achegas de capital.
 4. O incumprimento de preceptos estatutarios ou realizar unha actividade, ou deixar de facela, que supoña un prexuízo á cooperativa de carácter grave.
1. A reiteración de faltas leves, polas cales fora sancionada a persoa socia nos tres anos anteriores.

Artigo 18.- Faltas moi graves

Son faltas moi graves:

1. Utilizar unha persoa socia os capitais comúns ou a sinatura social para negocios particulares
2. Incumprir as obrigas sociais, prexudicando á cooperativa
3. Realizar actuacións prexudiciais para a cooperativa
4. Faltas de asistencia reiteradas dun membro do Consello Reitor aos actos sociais aos que sexa convocado.
5. Reiterado incumprimento das obrigas económicas.
6. As operacións de competencia coa cooperativa e a ocultación de datos relevantes.

7. A reiteración de faltas leves ou graves, polas cales xa fora sancionada a persoa socia nos tres anos anteriores.

8. Falsificación de documentos, sinaturas, selos ou análogos, de compromiso pola relación da cooperativa coas súas socias.

Artigo 19.- Sancións

As faltas moi graves sanciónanse con algunha ou diversas das seguintes opcións:

1. As sancións establecidas polas faltas graves
2. A inhabilitación para exercer cargos nos órganos sociais ata 5 anos
3. A expulsión

As faltas graves sanciónanse con algunha ou diversas das seguintes opcións:

1. As sancións establecidas polas faltas leves
2. A suspensión do dereito a exercer cargos nos órganos sociais ata un ano

As faltas leves sanciónanse coa seguinte acción:

1. Unha amoestación por escrito

Artigo 20.- Procedemento sancionador

As faltas teñen que ser sancionadas polo Consello Reitor, o cal exerce a competencia sancionadora. É preceptiva a audiencia previa da persoa interesada por un prazo de quince días. O expediente iniciado tense que instruír no prazo máximo de dous meses, pasados os cales o Consello Reitor ten que resolver. O Consello Reitor pode establecer o nomeamento dunha persoa instrutora para que colabore na tramitación dos expedientes sancionadores.

O inicio do expediente sancionador pola comisión de faltas graves ou moi graves ao inicio do expediente de expulsión o Consello Reitor pode adoptar as medidas cautelares que estime adecuadas, en especial a suspensión dos dereitos da persoa socia, incluído o de desenvolver a actividade cooperativizada. En ningún caso poderá suspenderse o dereito de información.

Contra a resolución do Consello Reitor pode presentarse recurso ante a Asemblea Xeral no prazo dun mes dende a notificación da sanción. O prazo máximo para que a Asemblea Xeral resolva o recurso é de seis meses, a contar dende a data da presentación do recurso.

O acordo de sanción, ou se convén, a ratificación pola Asemblea Xeral poden ser impugnados no prazo dun mes, a contar dende a notificación, conforme o trámite establecido para a impugnación dos acordos sociais, e nos casos regulados pola lei 18/2002 do 5 de xullo de Cooperativas de Cataluña, ante a xurisdición ordinaria conforme o que dispón o artigo 158 da mencionada lei.

A expulsión dunha persoa socia, só pode ser tomada mediante un expediente instruído con este fin polo Consello Reitor. O recurso ante a Asemblea Xeral será resolto, con audiencia previa da persoa interesada, por votación secreta. A Asemblea Xeral anulará ou ben ratificará a expulsión. No último caso tramitarase a baixa da persoa socia.

O acordo de expulsión é executivo dende o momento no que se notifica a ratificación do acordo pola Asemblea Xeral, ou ben unha vez acabado o prazo para presentar recurso.

As faltas leves prescriben no prazo dun mes; faltas graves, no prazo de dous meses e as faltas moi graves no prazo de tres meses. O prazo de prescrición empeza a contar o día en que o Consello Reitor ten coñecemento da comisión da infracción e, en todo caso, seis meses despois de terse cometido. O prazo de prescrición interrómpese ao iniciarse o expediente sancionador, e volve a correr se pasados tres meses se non se ditou resolución.

CAPÍTULO III.- RÉXIME ECONÓMICO

Artigo 21.- Capital social

O capital social está constituído polas achegas obrigatorias das persoas socias, máis as voluntarias que se incorporen:

- a) As achegas obrigatorias das socias considéranse como achegas ao reembolso das cales poderá ser recusado incondicionalmente polo Consello Reitor.
- b) As achegas voluntarias das socias considéranse como achegas con dereito de reembolso en caso de baixa.
- c) As achegas voluntarias e obrigatorias das socias colaboradoras considéranse como achegas con dereito de reembolso en caso de baixa.

As achegas acredítanse mediante títulos ou cadernos, que terán que reflectir con claridade as achegas, así como as actualizacións e xuros.

As achegas das socias ao capital social, tanto as obrigatorias como as voluntarias, non poden recibir un xuro superior ao interese legal do diñeiro, sen prexuízo das actualizacións correspondentes.

Os títulos teñen que posuír un valor mínimo de 100 euros cada un; cada socia consumidora ou usuaria ten que posuír como mínimo 1 título e cada socia de traballo 5 títulos que se teñen que desembolsar de maneira íntegra. A socia colaboradora privada fará unha achega mínima de 100€, e a socia colaboradora pública unha achega que se pactará en cada caso.

As achegas tamén poden ser en forma de bens, dereitos ou servizos regulares á cooperativa que estarán valorados dunha maneira adecuada polo Consello Reitor. A decisión pode revisarse ante a Asemblea Xeral.

No momento de formalizar a subscripción as socias teñen que desembolsar 100% da achega obrigatoria pola vía que o Consello Reitor estime conveniente.

As socias que ingresen á cooperativa con posterioridade, desembolsarán as achegas nas condicións e cantidade fixada neste artigo, que en todo caso suporá as actualizacións pertinentes sempre de acordo coa Lei 18/2002, de Cooperativas de Cataluña.

O capital social mínimo fíxase en 3.000 euros. No momento da constitución, o capital social mínimo ten que ser totalmente subscrito e desembolsado.

Artigo 22.- Novas achegas obrigatorias ao capital social

A Asemblea Xeral por maioría de dous terzos dos votos presentes e representados pode acordar a esixencia de novas achegas obrigatorias ao capital social, fixando a contía, o prazo e as condicións de pago no acordo de admisión. A socia desconforme coa esixencia de novas achegas ao capital social pode solicitar a súa baixa, de acordo co artigo 13 destes Estatutos.

Artigo 23.- Achegas voluntarias ao capital social

A Asemblea Xeral por maioría simple dos votos presentes e representados pode acordar a admisión de achegas voluntarias ao capital social, que teñen que ser desembolsadas no prazo e as condicións que estableza o acordo de admisión.

Artigo 24. Xuros

As achegas obrigatorias no capital social non xeran ningún tipo de xuros. Si que poden xerar as achegas voluntarias ao capital social, se así o establece o acordo de admisión, mais en ningún caso poden percibir uns xuros superiores aos xuros legais do diñeiro, sen prexuízo das actualizacións correspondentes.

Artigo 25.- Transmisión das achegas

A transmisión das achegas obrigatorias e as voluntarias dos socios traballadores e consumidores poden ser:

- a) por actos "inter vivos", entre persoas sociais, nos termos establecidos polos estatutos sociais, e en exposición no taboleiro de anuncios da cooperativa, previa autorización do Consello Reitor.
- b) por actos "mortis causa". Os herdeiros substitúen ao causante ou á causante na súa posición xurídica, subrogándose nos dereitos e nas obrigas que tiña na cooperativa. No caso das sociais que realizaban algunha actividade cooperativizada de carácter persoal, os herdeiros poden optar entre solicitar, no prazo máximo de seis meses dende o feito causante, a alta como sociais, se cumpren os requisitos establecidos polos estatutos sociais, ou ben que lles sexa liquidado o crédito que represente o valor das achegas ao capital do causante ou a causante valorado conforme dispón o artigo 60 da Lei 18/2002, de Cooperativas de Cataluña.

Artigo 26.- Redución do capital social por baixa da socia

Se a consecuencia da devolución ás sociais ou aos seus dereito-habentes do importe das súas partes sociais, o capital social quedara por debaixo do mínimo establecido nestes estatutos, a Asemblea Xeral ten que acordar a redución do capital coa conseguinte modificación dos estatutos na forma legalmente establecida. O capital social non pode estar nunca por debaixo do mínimo legal establecido durante máis de 6 meses.

Artigo 27.- Exercicio económico, resultados, excedentes

O exercicio económico da Cooperativa esténdese dende o día 1 do mes de xaneiro ata o día 31 do mes de decembro. Para cada exercicio tense que facer un inventario, un balance, unha conta de resultados e unha memoria.

En conformidade co artigo 63.3 da Lei, a determinación dos resultados do exercicio efectúase de acordo coa normativa contable, mais considéranse gastadas as partidas enumeradas no artigo 65 da Lei de cooperativas de Cataluña. A determinación dos resultados cooperativos e dos extracooperativos efectúase en conformidade co artigo 64 da Lei e as outras normas que resulten aplicables.

Para determinar os resultados extracooperativos téñense que tomar en consideración os ingresos derivados destas operacións e os gastos necesarios para a súa obtención, ademais da parte correspondente que, segundo criterios de imputación fundamentados, corresponde aos gastos xerais da Cooperativa. Teñen, en todo caso, a condición de resultados extracooperativos os obtidos pola realización das operacións cooperativas con terceiras persoas non socias, as cales teranse que contabilizar separadamente, de forma que sempre se poda coñecer o seu volume global.

Artigo 28.- Aplicación dos excedentes.

Dos excedentes contabilizados para a determinación do resultado cooperativo, unha vez deducidas as perdas de calquera natureza de exercicios anteriores e antes da consideración do Imposto sobre sociedades, téñense que destinar, o menos, as seguintes porcentaxes:

- a) A todos os efectos, o 30%, ao fondo de reserva obrigatorio e o 10%, ao fondo de educación e promoción cooperativas.
- b) O 50% dos excedentes procedentes da regularización de balances, ao fondo de reserva obrigatorio.
- c) O 100% dos excedentes procedentes das plusvalías obtidas pola alienación de elementos do inmovilizado material ou inmaterial, de acordo co artigo 64.2.f da Lei, destinase integramente ao fondo de reserva obrigatorio.

Unha vez pagado o Imposto sobre sociedades, o resto dos excedentes cooperativos terán que destinarse a un fondo de reserva voluntario, que terá carácter irrepatriable tal como establece o artigo 129.b da Lei 18/2002, de Cooperativas de Cataluña, para as cooperativas sen ánimo de lucro.

Os resultados extracooperativos, especialmente os procedentes de realizar a actividade cooperativa con terceiras non socias, unha vez deducidas as perdas de calquera natureza de exercicios anteriores, e antes do Imposto sobre sociedades, destinaranse integramente ao Fondo de Reserva Obrigatorio.

Artigo 29.- Imputación de perdas

A compensación das perdas resultantes no exercicio económico realizarase, de acordo co artigo 67 da Lei de Cooperativas de Cataluña, con suxeición ás normas seguintes:

1. É válido imputalas a unha conta especial para amortizalas con cargo a futuros resultados positivos, dentro do prazo máximo que permita a Lei do Estado 43/1995, de 27 de decembro, do imposto sobre sociedades, ou a lexislación tributaria específica.

2. Ata o 50% das perdas poden imputarse con cargo o Fondo de Reserva Obrigatorio. Se para a imputación se utilizou, totalmente ou parcialmente este fondo, non poderán aplicarse, imputarse ou repartirse os regresos cooperativos ou outros resultados positivos repartibles até que este fondo recuperara a contía anterior a súa utilización.

3. A totalidade das perdas pódense imputar ao fondo de reserva voluntario irrepartible mencionado no artigo precedente.

4. A contía non compensada coas reservas obrigatorias ou voluntarias téñense que imputar ás socias en proporción a súa actividade cooperativizada, e téñenas que satisfacer directamente, dentro do seguinte exercicio económico a aquel no cal se produciron as perdas, mediante deducións nas achegas ao capital social. Se pasado este prazo as perdas seguen pendentes de compensación, a socia tenas que satisfacer directamente no prazo dun mes até o límite das súas achegas ao capital, conforme a lexislación vixente, se non é que se inste a quebra ou se acorde o incremento de achegas sociais, sen prexuízo do que prevé o artigo 54 da Lei de cooperativas de Cataluña.

Artigo 30.- Fondo de Reserva Obrigatorio

O Fondo de Reserva Obrigatorio é irrepartible e constitúese con:

- a) A porcentaxe de excedentes limpos de cada exercicio fixado no artigo 28 destes estatutos.
- b) A porcentaxe sobre os resultados extracooperativos.
- c) As deducións sobre as achegas obrigatorias no suposto de baixa de socia, fixadas no artigo 14 destes estatutos.
- d) Coas cotas de ingreso e periódicas, que se se tercia se establezan.

Artigo 31.- Fondo de Educación e Promoción Cooperativa.

O Fondo de Educación e Promoción Cooperativa é inembargable e irrepartible e constitúese da seguinte forma:

- a) Coa porcentaxe sobre os excedentes limpos de cada exercicio establecido no artigo 28 destes estatutos.
- b) Coas multas e outras sancións que por vía disciplinaria impoña a cooperativa ás súas socias.
- c) Coas subvencións, doazóns e calquera tipo de axuda recibida das socias ou de terceiros para o cumprimento dos fins propios deste Fondo.
- d) Cos excedentes dispoñibles, unha vez efectuadas as dotacións obrigatorias, atribuíbles a operacións efectuadas con terceiros.

A Asemblea Xeral ten que fixar as liñas básicas de aplicación deste Fondo, que se ten que destinar á formación de socias e traballadoras en técnicas cooperativas e atender a obxectivos de incidencia social e de carácter intercooperativo.

Artigo 32.- Documentación social e contabilidade

A cooperativa ten que ter en orde e o día os seguintes libros:

- 1) Rexistro de socias.
- 2) Rexistro de achegas sociais.
- 3) Actas de Asemblea Xeral, do Consello Reitor e de interventores de contas (e, se se tercia, de xuntas preparatorias e de comité de recursos).
- 4) Inventarios e balance.
- 5) Diario.

A contabilidade levarase de acordo cos criterios expostos no Código de Comercio, o Plan Xeral Contable e o resto de normas contables coas particularidades que estableza a Lei de Cooperativas e a outra normativa aplicable.

CAPÍTULO IV. ORGANIZACIÓN FUNCIONAL INTERNA

Artigo 33. Elementos básicos

A organización funcional pode ser fixada por un Regulamento de Réxime Interno, que ten que ser aprobado pola Asemblea Xeral.

As condicións laborais das socias de traballo, se houber, téñense que fixar ao Regulamento de Réxime Interno a elaborar segundo o parágrafo anterior mais non poden ser inferiores ás que veñen establecidas nos convenios ou normas xerais da zona para a actividade dos traballadores/as por conta allea. Igualmente, as retribucións das socias de traballo e do persoal que traballe por conta allea non pode superar o 150% das retribucións que, en función da actividade e a categoría profesional, estableza o convenio colectivo aplicable no persoal asalariado/a do sector e da zona correspondente.

CAPÍTULO V. GOBERNO, XESTIÓN E REPRESENTACIÓN DA COOPERATIVA

Artigo 34.- Órganos sociais

Son órganos da sociedade cooperativa:

- 1) A Asemblea Xeral
- 2) O Consello Reitor
- 3) Os interventores de contas

Artigo 35.- A Asemblea Xeral

A Asemblea Xeral, constituída polas socias debidamente reunidas, é o órgano supremo de expresión da vontade social.

Os acordos tomados pola Asemblea Xeral obrigan á totalidade das persoas socias, incluído as disidentes e as que non participaran na reunión. Isto non impide a súa impugnación, seguindo o que preceptúa o artigo 38 da Lei de Cooperativas.

Artigo 36.- Competencias da Asemblea Xeral

A Asemblea Xeral pode debater e decidir calquera materia da Cooperativa que non fora expresamente atribuída a outro órgano social. En todo caso, o seu acordo é necesario nos actos seguintes:

- a) O nomeamento e a revogación dos membros do Consello Reitor e das persoas Interventoras de Contas, das auditoras e das liquidadoras, así como cando se proceda o establecemento das bases de determinación da contía das súas retribucións.
- b) O exame da xestión social e a aprobación das contas anuais, do informe de xestión da aplicación dos excedentes dispoñibles ou da imputación das perdas.
- c) A modificación dos Estatutos e a aprobación ou modificación, no seu caso, dos regulamentos de orde interno da cooperativa.
- d) A transformación obrigatoria das achegas con dereito a reembolso no caso de baixa en achegas cuxo reembolso poida ser recusado incondicionalmente polo Consello Reitor, ou a transformación inversa; a aprobación de novas achegas obrigatorias; a admisión de achegas voluntarias e de achegas das socias colaboradoras, se hai; a actualización do valor das achegas ao capital social; a fixación das achegas das novas socias; o establecemento de cotas de ingreso ou periódicas, e o tipo ou as bases para determinar os xuros que teñen que aboarse polas achegas ao capital social.
- e) A emisión de obrigas, títulos participativos e outras formas de financiamento.
- f) A admisión de financiamento voluntario das socias.
- g) A fusión, a escisión, a transformación e a disolución da Cooperativa.
- h) Toda decisión que, segundo os Estatutos, implique unha modificación substancial da estrutura económica, social, organizativa ou funcional da Cooperativa.
- i) A constitución de cooperativas de segundo grado e de grupos cooperativos ou a incorporación a estes se xa están constituídos, a participación en convenios intercooperativos e outras formas de colaboración económica consideradas nos artigos 126 e 127 da Lei de Cooperativas, a adhesión a entidades representativas a separación destas entidades.
- j) A creación e a disolución de seccións, conforme a Lei.
- k) O exercicio da acción social de responsabilidade contra os membros do Consello Reitor, as Interventoras de Contas, as Auditoras e as liquidadoras.
- l) Todos os outros casos nos que así o indique unha norma legal ou estatutaria.

As competencias que correspondan á Asemblea Xeral e sobre as cales se teña que pronunciar preceptivamente son indelegables coa excepción do previsto no artigo 125 da Lei 18/2002, de Cooperativas de Cataluña.

Artigo 37.- Clases de Asembleas: ordinaria, extraordinaria, universal

As Asembleas Xerais poden ser ordinarias ou extraordinarias.

O Consello Reitor ten que convocar Asemblea Xeral ordinaria, unha vez o ano, dentro dos seis meses seguintes a contar dende a data de peche do exercicio económico, a función principal

da cal é: examinar a xestión efectuada polo Consello Reitor; aprobar, se se tercia, as contas e balances; e acordar a aplicación de resultados.

Todas as Asembleas Xerais que non se enmarquen no anterior parágrafo teñen a consideración de extraordinarias.

A Asemblea Universal enténdese validamente constituída cando, estando presentes todas as socias, ningunha delas non se opoña a celebrala.

Artigo 38.- Convocatoria das Asembleas ordinaria e extraordinaria

A Asemblea Xeral, ordinaria ou extraordinaria, ten que ser convocada polo Consello Reitor mediante un anuncio no domicilio social e a todos os establecementos e centros de traballo da Cooperativa, e, ademais, mediante un escrito do Consello Reitor a cada un dos socios ou socias ou por medios telemáticos que aseguren a recepción. Téñense que realizar cunha antelación mínima de quince días e máxima de trinta respecto a data da celebración. A convocatoria ten que expresar con claridade a orde do día, o lugar, o día e a hora da reunión tanto en primeira como en segunda convocatoria. A Asemblea Xeral pode determinar a localidade onde se realizará a próxima reunión desta partindo de criterios de accesibilidade e idoneidade do local. Se a Asemblea Xeral non determina a localidade, no seu defecto a Asemblea tense que celebrar dentro da localidade do domicilio social, no local que reúna as condicións máis axeitadas, que serán determinadas polo Consello Reitor.

O Consello Reitor pode convocar Asemblea Xeral extraordinaria sempre que o considere conveniente polos intereses da cooperativa. Asimesmo ten que convocala cando o solicite algunha das interventoras de contas ou un 10% dos votos sociais.

Se a Asemblea Xeral extraordinaria non é convocada polo Consello Reitor nos casos en que estivera obrigado a facelo, as socias poden instar a convocatoria xudicial nos termos establecidos no artigo 31 da Lei 18/2002, de Cooperativas de Cataluña.

Artigo 39.- Constitución da Asemblea

A Asemblea Xeral queda validamente constituída, en primeira convocatoria, cando se atopen reunidos, presentes ou representados, máis da metade dos votos sociais. A segunda convocatoria considerase validamente constituída sexa cal sexa o número de votos sociais asistentes.

Conforme aquilo previsto no artigo 32.3 da Lei 18/2002, de Cooperativas de Cataluña, enténdese por asistencia á asemblea, presente ou representada, a participación nesta, tanto se se fai fisicamente como se se fai virtualmente, mediante procedementos telemáticos.

A Asemblea é presidida pola presidenta do Consello Reitor ou aquela persoa que exerza as súas funcións; porén, pódese escoller no mesmo acto a persoa que presida os debates. A súa función é dirixir e manter a orde no desenvolvemento dos debates, esixindo que se cumpran as formalidades determinadas pola Lei.

É secretaria a persoa que o sexa do Consello Reitor, a súa substituta ou aquela que a Asemblea escolla a tal efecto.

Artigo 40.- Adopción de acordos

A Asemblea Xeral adopta os acordos por maioría simple do número de votos sociais das asistentes presentes ou representadas, agás que a Lei ou os estatutos sociais establezan maiorías reforzadas, sen superar, en ningún caso, as dúas terceiras partes dos votos sociais.

As votacións da Asemblea Xeral poderán realizarse por medios telemáticos garantindo a accesibilidade ao conxunto de votantes en condicións de igualdade, nese caso consideraranse asistentes a todas as socias conectadas.

A Asemblea Xeral ten que adoptar os acordos co voto favorable das dúas terceiras partes do número de votos sociais das asistentes, nos casos seguintes:

- a) Fusión, escisión, transformación ou disolución da sociedade cooperativa.
- b) Emisión de obrigas e títulos participativos.
- c) Esixencia de novas achegas obrigatorias ao capital social.
- d) Calquera acordo que implique unha modificación dos estatutos sociais.
- e) Aprobación do Regulamento de Réxime Interno
- f) A transformación obrigatoria das achegas con dereito a reembolso no caso de baixa en achegas cuxo reembolso poida ser recusado incondicionalmente polo Consello Reitor, ou a transformación inversa. Asimesmo, as socias desconformes co acordo de transformación que votaran en contra, facéndoo constar expresamente na acta a súa oposición, e tamén as persoas socias que, por causa xustificada, non asistiron á Asemblea Xeral, teñen dereito a obter, se o piden, por escrito dirixido ao Consello Reitor, no prazo dun mes despois do acordo de transformación mencionado, a baixa por esta causa, que é cualificada de baixa xustificada.

A acción de responsabilidade contra os membros do Consello Reitor e a revogación dalgún cargo social requiren a votación secreta e a maioría favorable da metade máis un dos votos das asistentes, se constaba na orde do día da convocatoria, ou a maioría da metade máis un dos votos sociais, se non constaba.

Nos supostos acordos sobre expedientes sancionadores, de ratificación das sancións que foran obxecto de recurso, e do exercicio da acción de responsabilidade ou cese de membros de órganos sociais, as persoas afectadas por estas decisións absteranse de votar na sesión do órgano o cal pertencen que teña que tomar a decisión correspondente, se ben se ten que ter en conta a asistencia a efecto de determinar a maioría esixida para tomar o acordo, o cal tense que adoptar co voto favorable da metade máis un dos votos sociais dos asistentes.

A Asemblea Xeral, agás que se constituíse con carácter universal, non pode adoptar acordos sobre asuntos que non constan na orde do día, agás os referentes a:

- a) A convocatoria dunha nova Asemblea Xeral;
- b) A realización da censura de contas feita por membros da Cooperativa ou por unha persoa externa.
- c) O exercicio da acción de responsabilidade contra os membros do Consello Reitor ou a revogación dalgún cargo social.

Artigo 41.- Dereitos de voto e representación

Cada persoa socia ten dereito a emitir un voto. Cando unha socia non poida asistir á Asemblea Xeral poderá facerse representar por outra socia. A representación terá que ser escrita e expresa para unha sesión concreta, a admisión farase pola presidencia da Asemblea ao inicio da sesión.

Cada socia só poderá ostentar a representación doutra co cal unha socia unicamente poderá emitir dous votos.

Artigo 42.- Acta da sesión

Acabada a Asemblea Xeral tense que elaborar unha acta de sesión, firmada pola presidencia e a secretaría, que recollerán os seguintes puntos:

- Lugar e data na que se celebrou.
- Número de asistentes, con indicación das que o fan persoalmente e todas as que o fan por representación.
- Se se celebrou en primeira ou en segunda convocatoria.
- Resume dos asuntos debatidos
- As intervencións das socias que soliciten que consten na acta
- Os acordos adoptados e os resultados das votacións

A aprobación da acta da Asemblea Xeral pódese realizar de dúas formas:

- a) Inmediatamente despois de producirse a Asemblea.
- b) Dentro dos quince días seguintes á celebración da Asemblea, polo cal terá que asinala a presidencia e dúas socias designadas como interventoras da acta na asemblea.

Calquera socia pode solicitar certificación dos acordos adoptados e o Consello Reitor ten a obriga de entregala. O 5% dos votos sociais teñen dereito a, se se terza, e cinco días antes da celebración da Asemblea, que a acta a levante un notario.

Artigo 43.- Impugnación dos acordos sociais

Os acordos da Asemblea Xeral que sexan contrarios á Lei, se opoñan aos estatutos ou lesionen, en beneficio dun ou de varias socias ou terceiros, os intereses da cooperativa poden ser impugnados segundo as normas e dentro dos prazos que establece o artigo 38 do texto refundido da Lei 18/2002, de Cooperativas de Cataluña.

Artigo 44.- O Consello Reitor

O Consello Reitor é o órgano de representación e goberno da sociedade; xestiona a empresa e exerce, cando convén, o control permanente e directo das funcións e actas da dirección, dos conselleiros delegados e conselleiras delegadas e dos apoderamentos e as representacións outorgadas. En todo caso, teñen competencia para establecer as directrices xerais de actuación, con subordinación á política fixada pola Asemblea Xeral, e para realizar os outros actos que lle permita a Lei, os regulamentos e estes estatutos. Asimesmo ten atribuídas

todas as competencias que por lei os estatutos non estean conferidas a calquera dos outros órganos sociais.

A Presidencia ten atribuída, en nome do Consello Reitor, a representación da sociedade e a presidencia dos seus órganos. A presidencia está facultada expresamente pola Asemblea Xeral para solicitar e asinar préstamos en nome da cooperativa.

Artigo 45.- Composición do Consello Reitor

O Consello Reitor componse, como mínimo, de 5 persoas e, como máximo, de 9 persoas, escollidas todas elas entre as socias da cooperativa en votación secreta pola Asemblea Xeral.

Os cargos son: presidencia, vicepresidencia, secretaría e vogal/is. A súa distribución corresponderá ao Consello Reitor.

Artigo 46.- Duración, renovación, obrigatoriedade, revogación e gratuidade do cargo de conselleiro/a

O cargo de membro do Consello Reitor ten unha duración de 4 anos. O Consello Reitor renóvase parcialmente, pola metade de tempo e conselleiras, sen coincidencia da presidencia e a secretaría nas renovacións.

O exercicio de cargo de conselleira é obrigatorio agás reelección ou outra causa xusta.

A Asemblea Xeral pode revogar aos membros do Consello Reitor antes do vencemento do período para o cal foron nomeados. O acordo esixe a maioría simple dos votos das asistentes, se constaba na orden do día, ou a maioría absoluta dos votos sociais, se non constaba.

O exercicio do cargo de conselleira non da dereito a retribución. Porén, os gastos e prexuízos que ocasione o desenvolvemento do mencionado cargo tense que compensar pola cooperativa nos termos que estableza a Asemblea Xeral.

Artigo 47.- Funcionamento do Consello Reitor

O Consello Reitor reúnese con carácter ordinario, previa convocatoria, unha vez cada 6 meses e en sesión extraordinaria tantas veces máis como sexa convocado polo seu presidente a iniciativa propia ou a petición de calquera dos seus membros. Se esta solicitude non fora atendida no prazo de 10 días, pode ser convocada por quen fixo a solicitude sempre que se mostre favorable a súa proposta o menos un terzo do Consello Reitor.

O Consello Reitor queda validamente constituído cando concorran á reunión o menos a metade máis un dos seus membros, será posible a representación dun membro por outro. Cada membro do Consello Reitor só poderá representar a outro.

Os acordos adóptanse por maioría absoluta de votos das conselleiras presentes ou representadas.

A estes efectos, e conforme o artigo 32.3 da Lei 18/2002, de Cooperativas de Cataluña, enténdese por asistencia ao Consello Reitor a participación neste, tanto se se fai fisicamente como se se fai virtualmente, mediante procedementos telemáticos. O voto do presidente dirime os empates.

Artigo 48.- Delegación de facultades do Consello Reitor

O Consello Reitor pode delegar facultades nun dos seus membros ou en comisións, compostas polas mesmas conselleiras, creadas o efecto e tamén poderán nomear dirección, ou xerencia; é necesario que concorra o voto favorable das dúas terceiras partes do Consello Reitor e tamén a inscrición no Rexistro de Cooperativas competente.

A delegación de funcións refírese ás decisións diarias que deberán ser ratificadas polo Consello Reitor na súa seguinte reunión.

En todo caso o Consello Reitor conserva as facultades seguintes:

- a) Fixar as directrices xerais de actuación na xestión da cooperativa con subordinación á política xeral establecida pola Asemblea Xeral.
- b) Controlar permanentemente e directamente a xestión empresarial que foi delegada.
- c) Presentar á Asemblea Xeral a memoria explicativa da xestión, render contas e propor a imputación e asignación dos resultados.
- d) Autorizar a prestación de avais ou fianzas a favor doutras persoas.
- e) Recusar o reembolso das achegas cuxo reembolso pode ser recusado incondicionalmente polo Consello Reitor, segundo establece o artigo 21.

Artigo 49.- Responsabilidade do Consello Reitor

Os membros do Consello Reitor teñen que exercer o cargo con dilixencia e lealdade ás persoas representadas e teñen que levar a cabo unha xestión empresarial ordenada. Os membros do Consello Reitor responden solidariamente, ante a Cooperativa, ante as socias e ante os acredores sociais, dos danos que causen por actos contrarios á Lei ou aos Estatutos ou por actos levados a cabo sen a dilixencia coa cal teñen que exercer o seu cargo. Non responden, porén, polos actos nos cales non participaron ou se votaron en contra do acordo e fixeron constar na acta que se opoñen ao acordo, ou mediante un documento veraz o comunican ao Consello Reitor dentro dos dez días seguintes ao acordo.

A acción de responsabilidade contra os membros do Consello Reitor pode ser exercida pola sociedade, por un acordo da Asemblea, adoptado aínda que non conste na orde do día. A acción prescribe ao cabo de tres anos, a contar dende o momento en que se puidera exercer. Un grupo de socias que represente, ao menos, ao 5% dos votos sociais pode exercer a acción de responsabilidade se a sociedade non o fai no prazo dun mes contado dende que se acordou exercitala, ou ben se a Asemblea adoptou un acordo contrario á esixencia de responsabilidade. Os acredores poden exercer a acción de responsabilidade contra os membros do Consello Reitor se esta acción non foi exercida pola sociedade ou polas súas socias, sempre que o patrimonio social resulte insuficiente para satisfacer os seus créditos.

A Asemblea pode transixir ou renunciar ao exercicio da acción de responsabilidade, en calquera momento, sempre que non se opoña un número de socias que represente ao menos o 5% dos votos sociais.

Agás as accións de indemnización que poidan corresponder ás socias e a terceiros polos actos do Consello Reitor que lesionen directamente os intereses daqueles, os prazos de prescrición

para iniciar a acción correspondente serán os que prevé o paragrafo anterior se a demandante fora socia, ou de un ano, establecido no artigo 1968 do Código Civil, se fora un terceiro.

Artigo 50.- Incompatibilidade e prohibicións para exercer o cargo de conselleiro/a

Non poden ser membros do Consello Reitor:

- a) As persoas ao servizo da Administración pública que teñen encargadas funcións que se relacionan directamente coas actividades propias da cooperativa de que se trata.
- b) Persoas menores de idade.
- c) Persoas que exercen actividades complementarias das da cooperativa ou en competencia con ela, agás se a Asemblea os autoriza expresamente.
- d) Persoas sometidas a interdicción, erradas ou concursadas non rehabilitadas, condenadas a penas que comporten a inhabilitación para o exercicio de cargos públicos, aquelas que foran condenadas por grave incumprimento de leis ou disposicións sociais e aquelas que por razón do seu cargo non poden adicarse ao comercio.

Artigo 51.- Conflito de intereses: contratos entre os membros do Consello Reitor e a cooperativa

Cando a cooperativa se tivese que obrigar con calquera membro do Consello Reitor ou da dirección, ou con algún dos seus parentes até o cuarto grado de consanguinidade ou o segundo de afinidade, teno que autorizar a Asemblea Xeral. Se as relacións son as propias da condición de persoa socia a autorización non será necesaria.

Os membros os cales concorra a situación de conflito de intereses non poden formar parte na votación correspondente. O contrato estipulado sen a mencionada autorización pode ser anulable agás se se procede a súa ratificación. Non quedan afectados os dereitos adquiridos por terceiros de boa fe.

Artigo 52.- Interventores/as de contas: nomeamento, remuneración e incompatibilidades

A Asemblea Xeral ten que nomear, dentro das súas socias, 3 interventoras de contas, as cales exercerán o seu cargo durante 3 anos.

O cargo de interventora é gratuíto, mais a cooperativa teralle que pagar os gastos que se orixinen.

A condición de interventoras de contas é incompatible coa de membro do Consello Reitor ou coa de xerencia, de dirección, ou cos seus parentes, nos límites establecidos no artigo 51 da lei de cooperativas de Cataluña. Porén, a Asemblea Xeral pode autorizar os supostos que permita o artigo 51.4 da mencionada lei.

Artigo 53.- Funcións dos interventores/as

As interventoras teñen que presentar á Asemblea Xeral un informe sobre a memoria explicativa da xestión da empresa, o balance, a conta de resultados e calquera outro documento contable que, preceptivamente, se teña que someter á Asemblea Xeral para a súa aprobación. O prazo de que dispón é de 30 días a contar dende que o Consello Reitor lles entregou a

documentación pertinente. Cando a interventora discrepe poderán emitir un informe separadamente.

A Asemblea Xeral pode tomar o acordo de someter as contas do exercicio económico á verificación de persoas alleas á cooperativa, expertas en materia contable.

A interventora ten dereito a comprobar en calquera momento a documentación da cooperativa.

Se o acorda a Asemblea Xeral ou o Consello Reitor ou ben o solicita o 15% das socias da cooperativa, as contas do exercicio económico teñen que ser verificados por unha auditoría de contas.

CAPÍTULO VI.- MODIFICACIÓN DOS ESTATUTOS SOCIAIS, FUSIÓN, ESCISIÓN, DISOLUCIÓN E LIQUIDACIÓN

Artigo 54.- Modificación dos estatutos sociais

Para tomar o acordo de modificación dos estatutos sociais requírese na Asemblea Xeral unha maioría de dous terzos dos votos sociais dos asistentes e representados.

Para inscribir a modificación dos estatutos sociais no Rexistro de Cooperativas competente teranse que achegar a solicitude de inscrición co certificado da acta da Asemblea Xeral, incorporado a unha escritura pública.

Artigo 55.- Fusión e escisión da cooperativa

A fusión cunha ou máis cooperativas será posible se os obxectos sociais de cada unha delas non son incompatibles entre si.

O acordo de fusión terá que adoptarse coa maioría de votos favorables que establece o artigo 40 destes estatutos. Será de aplicación o procedemento establecido no artigo 75 da Lei 18/2002, de Cooperativas de Cataluña.

A Asemblea Xeral pode acordar a escisión da cooperativa en dúas partes coa maioría de votos favorables que establece o artigo 44 destes estatutos. Será de aplicación á escisión o que dispón o artigo 83 da Lei 18/2002, de Cooperativas de Cataluña.

Artigo 56.- Disolución e liquidación

Serán causas de disolución da cooperativa:

- a) A finalización do obxecto social ou a imposibilidade de realizalo.
- b) A vontade dos socias
- c) A redución do número de socias por debaixo do mínimo legalmente necesario para constituír a cooperativa, se se mantén durando máis dun ano.
- d) A redución do capital social por debaixo do mínimo legalmente establecido, se se mantén durando máis de seis meses.
- e) A fusión ou escisión á que fai referencia o artigo 55 destes estatutos.
- f) O concurso ou a quebra.
- g) Calquera outra causa establecida na Lei.

A sociedade cooperativa disolta conserva a súa personalidade xurídica mentres se fai a liquidación.

Durante este período teranse que engadir á denominación social a frase "en liquidación".

Artigo 57.- Nomeamento e atribucións dos liquidadores/as

A Asemblea Xeral, en votación secreta, nomeará unha persoa socia liquidadora. No suposto de que a asemblea non nomee liquidadoras, os membros do Consello Reitor adquirirán automaticamente esta condición.

No suposto de que se produza algunha das causas reguladas no artigo 56 dos Estatutos, e a Asemblea Xeral non acorde a disolución da cooperativa, os membros do Consello Reitor, calquera socio ou socia ou calquera outra persoa que teña a consideración de interesada poden solicitar a disolución xudicial e o nomeamento das liquidadoras.

As liquidadoras farán todas as achegas necesarias e durante este período reuniran a Asemblea Xeral cando proceda a cal as liquidadoras darán conta da xestión e do balance correspondente para a súa aprobación.

Artigo 58.- Adxudicación do haber social

Para adxudicar o haber social da Cooperativa, tense que respectar, en todo caso, integramente, o Fondo de Educación e Promoción Cooperativa e tense que proceder segundo a orde seguinte:

- a) Saldar as débedas sociais.
- b) Reintegrar ás socias as súas achegas ao capital social, actualizadas cando conveña.
- c) Aplicar ou distribuír o fondo de reserva voluntario de carácter repartible, se o hai, de acordo co que establezan os estatutos sociais.
- d) Aplicar o sobrante, se o hai, ao Fondo de Educación e Promoción Cooperativa, porque sexa transferido á entidade federativa a cal a cooperativa estea asociada. Se non o están, a Asemblea Xeral ten que decidir a que entidades federativas de cooperativas de entre as que hai en Cataluña se ten que destinar o importe deste fondo, sempre a fin de que sexa utilizado coas finalidades mencionadas. Se a Asemblea Xeral non o fai, o Fondo tense que destinar á Confederación de Cooperativas de Cataluña.

Disposición adicional primeira

De acordo cos criterios do texto refundido da Lei 18/2002, de Cooperativas de Cataluña e, en concreto, co artigo 11.s) da mencionada Lei, esta cooperativa fai seu o compromiso de participación intercooperativa e fomento da formación.

Disposición adicional segunda

Esta cooperativa ten a condición de maiorista e actuará como minorista de acordo co artigo 101 Lei 18/2002, de Cooperativas. As entregas de bens e a prestación de servizos ás persoas

socias da cooperativa non teñen a condición de vendas, posto que se trata de consumidoras agrupados que os adquiriron conxuntamente.

Disposición adicional terceira

En todos aqueles aspectos non regulados nestes estatutos aplicarase o que dispón a Lei 18/2002, de 5 de xullo, de Cooperativas.

Disposición adicional cuarta

As cuestións litixiosas que se susciten entre as persoas socias da cooperativa a a cooperativa no marco da actividade cooperativizada ou entre a cooperativa e a federación onde se atopa afiliada, sempre que fagan referencia en materias de libre disposición entre as partes conforme a dereito, someterase á conciliación, a arbitraje e/ou mediación do Consello Superior da Cooperación, segundo o que dispón o Decreto 171/2009, do 3 de novembro, mediante o cal se aproba o Regulamento dos procedementos de conciliación, mediación e arbitraje ante o Consello Superior da Cooperación (DOGC núm. 5499, do 5 de novembro de 2009). As partes comprométense de maneira expresa o acatamento do laudo que resulte da arbitraje mencionado, ou no seu caso, ao cumprimento dos acordos recollidos na acta de conciliación ou mediación.